


中華民國十八年六月一日



總理奉安紀

鐵道部黨義研究會敬印

總理傳略

先生諱文字逸仙（原字德明）外人通以逸仙稱先生後因逃亡日本冒姓中山樵今遂通稱爲中山一八六六年（即清同治五年丙寅十月初六日寅時今定陽歷十一月十二日爲先生生日）生于廣東香山縣翠亨鄉父道川母楊氏家世業農舉三男二女長眉字德彰次早逝先生其季也先生生而穎悟幼讀書鄉塾進步逾常人曾以不願盲讀不解忤塾師家貧故尙在髫齡卽助理耕作幼時抱負遠大開鄉人談洪楊故事卽以洪秀全第二自任慨然有澄清天下之志

年十三（一八九七年）隨長兄赴檀香山入教會學校越三年畢業成績冠全校夏威夷王親頒獎品繼又入聖路易學校夏威夷大學

一八八四年德彰先生以先生在檀久恐沾染外國風氣太深之歸遣國豈知先生久睹外國政治清明改造之志願已堅不能加以遏止矣船將抵香山時關吏搜檢行裝至四次之久先生起而與之辯爭改革之念至此益顯歸家後卽于是年婚于盧氏

先生居家時與鄉中父老談論政治之如何不良及應如何興革聽者雖未盡贊同然亦不能加以駁難後以毀村寺神像鄉人交責不能安居乃赴港就讀于皇仁書院時當中法之戰先生從戰地歸客處得戰敗情形益憤越二年（一八八六年）以第一名畢業入廣州博濟醫學校學醫一年後香港有醫校設立設備較全遂去而之港當在廣州博濟時有同學鄭士良者爲會

黨首領先生與之交論及革命鄭大爲贊同並願號召黨衆助起事至是復識陳少白尤少紂二人志趣亦同往來於港澳之間從事革命之鼓吹港地既自由遂得暢言無忌當時人至呼先生等爲四大寇復有上海歸客陸皓東者亦傾心相交

一八九二年畢業醫校先設院醫肆於澳門爲葡醫所忌乃遷廣州復設分院於附近四鄉先生學術優越門庭如市然先生志不在此不過以醫肆爲機關藉掩視聽耳一八九三年與陸皓東北遊津沽西入武漢窺清廷之虛實探長江之險要復上書于李鴻章陳述人盡其才地盡其利物盡其用貨暢其流四大政不納復謁之于私邸勸其中興亦以年老見却先生革命之心至是愈堅矣

一八九四年中日開釁先生赴檀香山創立興中會並擬由檀渡美欲聯合華僑以謀舉事惜當時風氣未開應者寥寥僅得僑商鄧蔭南及先生胞兄德彰先生願傾家相助而已時清兵敗績高麗喪失列強又紛據旅威等地爲租界京津陷于危境清室勢將顛覆上海同

志宋躍如函促先生歸國途中止美洲之行過回香港開設乾亨行以爲幹部復在廣州立農學會以作機關冀取廣州爲根據地籌備半載煞費經營不意事機不密爲海關檢獲手槍六百餘桿遂至功敗垂成陸皓東竟身殉其難因是被捕者七十餘人丘四朱貴全及廣東水師提督程奎光均連帶處死焉此爲先生第一次之革命乙未（一八九五年）九月初九日事也

事後三日先生由廣州問道出香港偕陳少白鄭士良赴日至是以歸國無期遂剪辮改裝東赴美洲至檀香山時遇舊日業師英人康德黎訂倫敦相晤之約一八九六年由美轉赴英國所至演說祖國危狀顧急起救亡然收效無多僅博得三合會黨之醒覺而已斯時清廷已深忌之故於十月間抵倫敦後即被騙入中國使館將私解回國置之於法幸得緣致書業師康得黎求救康即報告政府由英相兼外長沙士倍利行文中國公使龔照璠強迫釋放先生始得脫險計先後被困十二日震動歐洲先生于釋後作「倫敦被難記」康氏亦作「孫逸仙與醒覺中之中國」一書以記之

自是先生留居歐洲凡二年結交賢豪調查情形見歐洲各國民權雖盛而自工業革命以後貧富相懸愈殊仍不免有社會革命發生乃採取社會主義之精華參以己見度以時勢成民生主義合原有之民族主義民權主義而成爲三民主義

先生居歐洲久覺革命一日未成卽責任一日未釋復于一八九八年東還日本籌劃進行抵日時有宮崎寅藏平山周二人銜日民黨領袖犬養毅命至橫濱歡迎至東京相見復由犬養毅紹介于當時外相大隈氏以後歷次革命多有日人相助未始非結交之力也

自乙未以至戊戌時期內舉事既遭失敗國內活動地位根本動搖而同時又有保皇黨出以與興中會相抗衡人民之觀聽爲之眩惑于革命進行打擊尤鉅然先生并不因是而灰心一面遣陳少白回香港創辦中國報鄭士良設立機關以招待會黨一面又命史堅如入長江聯絡會黨人物故雖在顛沛之際猶得兩廣福建及長江會黨之合并於興中會焉

會庚子拳匪肇亂八國入軍先生見時機迫切稍

縱卽失卽命鄭士良入惠州史堅如入羊城聯合黨會以謀舉事先生雖因至香港時被港政府監視不許登岸但折回台灣之後尙得其總督允予協助因命鄭士良卽日發動先占領沿岸地帶以爲根據地不圖日本內閣適于是時改組政策變更致惠州發動之師雖已奪城若干終以餉械不濟歸于失敗史堅如且因急於成事謀炸兩湖總督不成而遇害焉

二次革命雖不成然人心已醒昔之諱言革命者今見失敗已爲之惋惜昔之不齒先生者今亦已另眼相視矣蓋其時八國聯軍攻陷京師清帝出奔賠款割地威信盡失又值留學生日愈衆多頭腦清新易於接收革命思想故也

自一九〇一年至一九〇三年間先生多在日本主持事務其間僅因安南總督于壬寅癸卯之交招約往晤于東京開博覽會時一往越南結織同志數人而已一九〇四年再作環球之遊先至南洋再取道日本復得廖仲愷夫婦胡毅生等數人爲同志以後過檀赴美所至僑胞皆熱誠歡迎態度大與前次不同一九〇

五年春間先生重到歐洲斯時留學生已多率皆新自內地來者思想較清先生主張之三民主義五權憲法最易接受以故連開會議于北京柏林巴黎等地加盟者十餘廿餘冊餘不等是年秋間先生東渡日本開第四次會議於東京加盟者除無留學生之省分外竟達十七省之多革命同盟會自是成立

先生見革命事業前途希望甚大於是定立中華民國名稱公布使黨員各回其本省宣傳之未幾發刊民報以資鼓吹先生親爲之撰發刊詞逾年而加盟者竟達萬人各省亦紛設支部焉

斯時先生革命進行既順外國志士投效者亦踵相接於是遂向國內進行命廖仲愷設立機關於天津又遣黎仲實胡毅生等分偕外國武官調查粵桂川滇不意爲清廷探悉內容向日法當局交涉法國雖不顧而日本則不許先生居留先生不獲已遷機關於河內以維持之

一九〇七年起義黃岡潮州不成旋命鄧子瑜在惠州七里湖起事亦遭失敗是年七月約欽廉防軍反

正已舉事以東京黨員發生風潮購械計劃破壞義軍遂退入十萬大山十月先生率法國軍官暨同志襲取鎮南關已占三要隘擬會合十萬大山之軍攻取龍州不圖該軍以道遠不及至孤立難支退走安南清廷探悉先生行蹤行文要求法政府驅逐先生不得已乃走南洋數月後黃明堂舉兵於河口先生命黃克強前往指揮在越被阻致河口仍不守

先生連舉革命至數次益遭清廷之忌南洋一帶不能插足因復漫遊世界以籌款而委國內主持之責於黃克強胡漢民二人黃胡隨設機關於香港與新軍聯絡舉事一九一〇年正月新軍發難被挫先生在美聞訊急遽西還至日本上岸不許轉渡檳榔嶼各同志來會羣現失望之色先生慰撫有加並許爲籌款勉伊等照舊努力旋就地籌捐一夜之間得八千有奇復派人分往各埠籌募數日爲集數萬各人精神爲之振奮先生本擬遊歷南洋各埠因遭禁止遂不得不再遊美洲矣

一九一一年三月念九日廣州黨人復舉革命亦

遭挫折遇害者至七十二人犧牲之大死難之多爲從未有

綜計先生致力革命舉事凡十次之多或親臨戰陣或在遠處指揮雖迄無一次成功而先生之志亦未餒也至不由先生主動而受先生所感者則汪精衛秋瑾等之暗殺與夫萍醴之義師是也

是年十月十日武昌起義先生適在美洲本擬回國參與但覺樽俎折衝尤重於城池攻取因不逕行返國而繞道歐風以作外交運動除取得美俄法等國同情外復得英國允許止付清廷借款制止日本援助清廷及取銷各屬地之放逐令十二月念五日先生抵滬念九日十七省代表開會選舉臨時大總統先生以十六票當選先生於一九一二年一月一日就職於南京定國號爲中華民國改用陽歷卽以是日爲民國紀元先生二十餘年革命至是遂告成功

先生就總統職後本擬依照以前所定計劃分軍政訓政憲政三時期進行然當時人見武昌首義不兼旬而全國光復以爲不需乎此先生以主張見左又覺

袁世凱足以統一中國遂向國會提出辭職書薦袁繼任總統

先生辭職後以志在以實業改造國家因就袁所委之全國鐵路總辦復應袁之請入京與袁商權政見厥後見袁處理政事不依民主精神專憑己見繼又有刺殺宋教仁案發生先生不能復忍命其黨屬舉義討之不從又據黃浦軍艦以舉義又以無援致敗先生囑事於先惜無人顧到迨次年袁氏毀棄約法解散國會叛跡彰著各省始行出師則已遲矣

先生見討袁不成率黨避居日本先是民元之前先生已將同盟會改組國民黨至是恢復秘密黨社制度更名中華革命黨以待時機

民國四年袁氏稱帝滇黔興師護國先生亦命朱執信鄧鑑陳其美居正等各在廣東上海山東等處聲罪致討終使袁氏取銷帝制憂鬱而死黎元洪繼任總統恢復約法重集國會本可得全國和平不幸黎復受督軍團之逼仍行取銷約法解散國會張勳之威任其以武力擁護帝復辟先生乃率艦南下護法是年國會

開非常會議於廣州選先生爲大元帥建府於粵中先生自言所主張者乃經過軍政訓政時期之憲法對於臨時約法固不滿但當時人未思及此故不能不奉約法以資號召憲法必待全國統一以後始再以合法手續產生之

民國七年護法政府爲政學系把持改組軍政府舉先生爲七總裁之一先生見事不可爲辭職赴滬翌年與同志創辦建設雜誌陸續發表建國方略中之發展中國實業之計畫其孫文學說亦於此時成功

又明年軍政府取銷獨立自降於北議員星散於是伏處閩邊之粵軍遂與師回粵顧桂系先生因再蒞粵中暫以軍政府維持原狀以待非常國會之重聚十年四月國會非常會議選先生爲大總統先生旋於五月五日就職爲貫徹素志計出兵北伐親自督師於桂林在桂半年以後方接濟不繼於四月間回粵改道韶關是時適北方有倡恢復約法之議者先生因發表化兵爲工之宣言而粵軍將領則藉口國會恢復護法告終於六月十六日晝夜包圍總統府請先生下野先

生幸於事前聞知消息先一時便裝出府避居兵艦始得免於難

先生出總統府後隨登寄泊黃浦之永豐兵艦黃浦雖有長洲爲犄角究難固守因駛入白鵝潭碇泊一以避險兼示不屈一以待北伐軍旋師爲之應援先生在艦朝夕籌畫與士卒共甘苦惜北伐軍回師至韶關以下因餉械不濟不能達到目的先生見援師不至久守無益乃於八月初乘英艦赴港轉輪來滬計先生在艦凡五十餘日遇險者數次而先生毫不懼怯

先生抵滬後先發表宣言昭示中外並致書其同志表白經過以後數月間雖閒居在滬而計劃回粵恢復則始終不懈

是年十二月滇桂義師入粵迎先生回南先生乃於十二年五月重蒞廣州以大元帥名義指揮各軍建設政府當過港時曾登岸一行港政府招待備極殷勤前此港政府曾有不准先生居留之禁令至是并禁令亦取銷之蓋港政府對先生之態度業已改變矣至粵後沈鴻英叛變及東江殘軍進擾先生親出督師次第

討平之

當軍政府時代西南原有一部分關係後因軍政府取銷獨立應得之數遂移歸北方先生至是要求恢復前此辦法使團不允先生以海關本吾國主權應歸吾人自理因有收回海關及打倒帝國主義之倡議各國恐懼紛調兵艦赴粵集中白鵝潭示威至二十餘艘之多先生於此應付紛繁之中態度安閒措置裕如且赴嶺南大學等處演說其不畏強權也如此

民國十三年春召集各處國民黨代表開第一次大會組織中央執行委員會蓋先生自維年事已高（五十七歲）須謀其繼續之方也是會發表宣言一通論列時局及國民黨之主張曾經先生審定故於逝世時列於遺囑焉

先生主張之三民主義成立幾達三十餘年其黨員固奉之爲圭臬即有識者亦無不知之然所奉所知者均不過其大綱節目至詳細內容則尚未發表也先生爲使其黨員及人民一一了解起見乃於是年夏間每週至廣東大學演講一次雖風雨無間民族主義民

權主義早已講完惟民生主義則於演講一半之後因戰事之阻止迄未結束其國民政府建國大綱亦成於斯時

秋間奉直構兵先生見機會當前因發表宣言整兵北伐並移節韶關親自督師後雖有商團之事件發生於行軍上並不爲阻嗣國民軍在北方首義將領紛請先生北上商權國是先生志在和平遂欣然罷兵於十一月十二日輕身離粵啓節之時發表北上宣言並主張召集國民預備會議解決國是抵滬後招待新聞記者宣布政見先生急欲與北方諸將領晤面但因陸路不通海道赴津船期又遠乃由滬赴日然後轉往天津在日除向新聞記者發表意見外並在各處作東亞民族應聯合之演說極博得日本人士之同情

先生由日轉津於十二月四日抵埠知段祺瑞已赴京就奉國所公推之臨時執政並有外崇國信之宣言先生因其故意違反先生廢除不平等條約之號召大憤先生由粵北來飽經帆浪已感不適至是復聞此消息遂致肝病發作纏綿牀第經數醫調治之後稍得痊可

乃於十二月三十一日扶病入京北京氣候寒冽病復加劇然猶以國事爲念時以函電與段執政商權善後會議之當否先生肝病係十年宿根入協和醫院解剖並用X光治療無效回行轅調養亦不愈遂於三月十

二日棄我國民而逝易箐時尙頻呼「和平」「奮鬥」「救中國」不已遺囑葬南京紫金山又遺囑二通一爲國事之主張一係處分家事初娶盧氏繼娶宋慶齡女士子三科賢安賢早夭女二長天次琬適戴氏

實業之範圍甚廣農工商礦繁然待舉而

不能辭廢者指不勝屈然負之而可舉者

其作始爲資本助之而必行者其歸結爲

交通

——總理對民立報記者談話——

總理建國大綱

總理建國大綱

一 國民政府本革命之三民主義五權憲法以建設中華民國

二 建設之首要在民生故對於全國人民之食衣住行四大需要政府當與人民協力共謀農業之發展以足民食共謀織造之發展以裕民衣建築大計畫之各式房舍以樂民居修治道路運河以利民行

三 其次爲民權故對於人民之政治知識能力政府當訓導之以行使其選舉權行使其罷官權行使其創造權行使其複決權

四 其三爲民族故對於國內之弱小民族政府當扶植之使之能自決自治對於國外之侵略強權政

府當抵禦之並同時修改各國條約以恢復我國平等國家獨立

五 建設之程序分爲三期一曰軍政時期二曰訓政時期三曰憲政時期

六 在軍政時期一切制度悉隸于軍政之下政府一面用兵力以掃除國內之障礙一面宣傳主義以開化全國之人心而促進國家之統一

七 凡一省完全底定之日則爲訓政開始之時爲軍政停止之日

八 在訓政時期政府當派曾經訓練考試合格之員到各縣協助人民籌備自治其程度以全縣人口調查清楚全縣土地測量完竣全縣警衛辦理妥

善四境縱橫之道路修築成功而其人民曾受四權使用之訓練而完畢其國民之義務誓行革命之主義者得選舉縣官以執行一縣之政事得選舉議員以議立一縣之法律始成爲一完全自治之縣

九 一完全自治之縣其國民有直接選舉官員之權有直接罷免官員之權有直接創制法律之權有直接複決法律之權

十 每縣開創自治之時必須先規定全縣私有土地之價其法由地主自報之地方政府則照價徵稅並可隨時照價收買自此大報價之後若土地因政治之改良社會之進步而增價者則其利益當爲全縣人民所共享而原主不得而私之

十一 土地之歲收地價之增益公地之生產山林川澤之息礦產水力之利皆爲地方政治之所有而用以經營地方人民之事業及育幼養老濟貧救災醫病與夫種種公共之需

十二 各縣之天然富源以及大規模之工商事業本

縣之資力又能發展與興辦而須外資乃能經營者當由中央政府爲之協助而所獲之純利中央與地方政府各占其半

十三 各縣對於中央政府之負擔當以每縣之歲收百分之九爲中央歲費每年由國民代表定之其限度不得少于百分之十不得加於百分之五十

十四 每縣地方自治政府成立之後得選國民代表一員以組織代表會參與中央政事

十五 凡候選及任命官員無論中央及地方皆須經中央考試驗定資格者乃可

十六 凡一省全數之縣皆達完全自治者則爲憲政開始時期國民代表得選舉省長爲本省自治之監督至於該省內之國家行政則省長受中央之指揮

十七 在此時期中央與省之權限采均權制度凡事務有全國一致之性質者劃歸中央有因地制宜之性質者劃歸地方不偏于中央集權或地

方分權

十八 縣爲自治之單位省立于中央與縣之間以收聯絡之效

十九 在憲政開始時期中央政府當完成設立五院

以試行五權之治其序列如下曰行政院曰立

法院曰司法院曰考試院曰監察院

二十 行政院暫設如下各部一內政部二外交部三

軍政部四財政部五農礦部六工商部七教育

部八交通部

廿一 憲法未頒布以前各院長皆歸總統任免而督

率之

廿二 憲法草案當本於建國大綱及訓政憲政兩時

期之成績由立法院議訂隨時宣傳於民衆以

備到時采擇施行

廿三 全省有過半數縣分達至憲政開始時期即全

省之地方自治完全成立時期則開國民大會

決定憲法而頒布之

廿四

憲法頒布之後中央統治權則歸于國民大會行使之即國民大會對於中央政府官員有選

舉權有罷免權對於中央法律有創制權有複

決權

廿五

憲法頒布之日即爲憲政告成之時而全國國民則依憲法行全國大選舉國民政府則于選

舉完畢之後三個月解職而授政于民選之政

府是爲建國之大功告成

○○○○○○○○

苟全國之鐵道皆在一二資本家之手則其力可以壟斷交通而制旅客貨商鐵道工人之死命矣土地若歸少數富者之所有則可以地價及所有權之故而防害公共之建設平民將無主錙地矣苟土地及大經營皆歸國有則其所得仍可爲人民之公有蓋國家之施設利益所及仍爲國民福利非如少數人之壟斷徒增長私人之經濟而貧民之苦日甚也

——在上海南京路同盟會機關演說詞——

總理奉安哀文

連聲海

嗚呼、梁壞山頽、天沈雨泣、弓劍橋陵、攀號靡及、嗚呼哀哉、昔者追隨、既有歷年、服膺訓誨、惟日拳拳、自隔人天、長懷遺教、才竭高堅、心殫則效、繫維明德、闡然日章、萬流宗仰、江漢秋陽、先天下憂、先天民覺、大勛未集、嗚呼

殂落、靈爽式憑、削平大難、與民更始、光華復旦、爰揭虔誠、奉安園寢、霜露哀深、松楸歲永、人懷國父、國祀先師、爲天下痛、甯哭其私、嗚呼哀哉、

總理奉安哀

詞 并序

吳衍慈

總理既逝之後四年、統一告成、訓政開始、爰於是年六月一日、迎

總理靈柩、奉安於首都之紫金山、爲吾國自有歷史以來、空前未有之盛典、殊令人生無窮之感想、爰作數語、以誌景仰、

翳嶺海之雄奇兮、天地一發其秀靈、篤生茲千古人兮、是先知先覺之天民、丁中原之多故兮、遂周歷乎寰瀛、恫胡虜之肆虐兮、志欲滌其羶腥

創三民主義而革命兮、昭然揭日月以行、惟國人之夢夢兮、雖啓迪而莫明、叢天下之疑謗兮、排萬難而獨見其艱貞、痛大勛之未集兮、遽魄降而魂升、哀感切於萬族兮、主義乃深入於人心、仗大義以驅殘賊兮、若振落而發蒙、將納一世於軌物兮、已薄海之風從、感霜露而興懷兮、今永奠乎幽宮、奉安今其有日兮、舉懷愴而謹恭、何以答生成之德兮、尙其服遺教於無窮、

總理奉安哀歌

並序

李君度

嗚呼，總理之逝，四年於茲矣！追懷既往，矚目將來，欲於此堅苦卓絕之涂中，獲一可以慰安總理在天之靈者，吾儕宜如何惕勵團結，方無負於彌留之際所遺「和平，奮鬥，救中國」悲壯之呼聲耶？當年碧雲寺，今日紫金山，敬仰風徽，

淒其欲絕；哀歌一闕，謹志痛忱云爾；歌曰：
瞻蔣阜之巍峨兮，鬱鬱蒼蒼，
仰高人之不見兮，泣下數行；
我來訪跡兮，精魂何在？
惟聞杜鵑聲聲兮，喚夕陽！

總理奉安祭文

陳悅韶

維民國十有八年，六月有一日，爲

總理孫中山先生奉安之期，溯總理誕生，
福被人羣，總理逝世，哀動寰宇，今值靈
輓南下，卜葬鍾山，同人服膺主義，痛失導
師，謹竭誠以致祭曰：

滿清失德，華夏騷然，專制炎威，酷如膏煎，
風雲日亟，外患蔓延，神明華胄，如墮深淵，
先生崛起，救國爲先，民族主義，獨著祖鞭，
共和既立，袁賊驕盈，籌安勸進，盜竊民情，

官僚腐化，嗜利求榮，軍閥師智，潢池弄兵，
先生主張，順流息爭，民權主義，大莫與京，
海通以還，國涸民貧，輸入激增，損失無倫，
經濟侵略，月異日新，產業落後，生活艱辛，
先生訓示，地權平均，民生主義，千古同珍，
遺著遺囑，如對芝顏，三民五權，弈耀人間，
靈輿奉安，卜宅鍾山，億萬斯年，峰抱水環，
嗚呼哀哉，伏維
尙饗。